

БӨЛІМ: ӨЛЕҢДЕР / ФАРИЗА ОҢҒАРСЫНОВА

Атылыпсың оқ болып

ЖАРИЯЛАНДЫ
26.01.2022СІЛТЕМЕ
<https://bilimger.kz/112951/>

О, бауырым! Жүрегіңде шоқ сеніп,
кеттің жарық дүниеден жоқ болып.
Бірақ сенің атың қалды еліңде,
сенің даңқың өшпек емес емірде,
сен жауыңа атылыпсың оқ болып.
Сені еске алсам қиналамын мен бүгін,
бірақ қайта жұбатады ерлігің.
Сен атаның орындапсың арманын,
туған жерде ескерткіш боп қалғаның,
бізге мақтан сенін, өлмес ерлігің.
Ерте өтсең де жүрегіңде шоқ сөніп,
сен мәңгіге кете алмайсың жоқ болып.
Жыры болып қалдың бүгін ақынның,
серті болып қалдың туар батырдың,
қас жауыңа атылдың да оқ болып.

Ұлым менің,
ұзақ өмір сүруің керек сенің,
(мен оныға тілекші емес пе едім?)
Күндер қанша алдыңда,
жолдар қанша
кешкізетін тірліктің белестерін.
Дүниеге қуана күліп келіп
Кір шалмаған ақ жейде киер едің,
Одан кейін
әрнеден күдіктеніп,
тағдырыңа басыңды иер едің.
Жер жетеді,
шынында үй жетеді

(қу тіршілік не деген бейнет еді) .
Қару беріп қолыңа біреу сені
көздеп көр деп,
атуға үйретеді.
Сапқа тұру
әкелмейді, әрине, саған бақыт,
мал соярсың
қында жатқан қылышты жалаңдатып,
ауыр азап, өмірде ең қауіпті іс
қару ұстау, үйрену адамды атып.

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.